



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlm XXII. Super eo.

---

[urn:nbn:de:hbz:466:1-62587](#)

**S**umptum est hoc e. ex Concilio Lateranensi sub Alexando III. cap. 26. in quo tamen absolutè dicitur, quod judæi testibus suis aduersus Christianos vrantur. quod est contra l. vlt. C. de hereticis: vbi dicitur, quod judæus non possit adhiberi testis in judicio, sed tantum in testamentis & instrumentis seu contractibus, ne aliquoquin probacionum facultas angustetur. ad id r. Alexander III. non dixisse in illo cap. 26. judæi testimonium recipiendum esse contra Christianum, sed quod judæi soleant etiam suos testes producere aduersus Christianos, ex quo tamen colligi videtur, quod in quibusdam casibus judæi testes recipi possint, videlicet propter consuetudinem loci, vti docet Farinacius q. 56. n. 235. item in defectum aliorum testium, sive si veritas per testes Christianos & idoneos agnoscit non possit. Argum. cit. l. & docet Farinac. n. 231.

**N**ot. I. Christiani aduersus judæum testes produci possunt adeò, vt per priuilegium vel consuetudinem introduci non possit contrarium, videlicet ne judæi per Christianos testes conuincantur, vti etiam habetur in Clem. 1. hoc tit. quia tale priuilegium aut consuetudo cederet in opprobrium & iniuriam fidei Christianæ, cùm constet, quod post Christi mortem subesse judæi, & seruire debeant Christianis, vti hic dicitur & in e. Et si iudeos 13. de judeis, & sumitur ex Apostolo ad Galatas 4.

**N**ot. II. Ecclesia habet jurisdictionem in laicos ipsosque principes seculares, si quid decernant aut introducant, quod Christianæ Religioni aut decori eius contrarium sit, vti sumitur ex hoc c. cit. Clem. 1. & l.c. Conc. Lateranensis in fine. vbi prohibetur laicis potestatis, ne ad fidem conuerterentur a successionibus hereditariis excludant; sive secus factum, injungitur sub excommunicationis poenâ, vt portionem ipsis competentem integrè exhiberi faciant. Videri potest Abbas hic n. 2.

## CAPITVLVM XXII.

Super eo.

## PARAPHRASIS.

Caia petebat Titium ut maritum suum, sed

Titius negauit se ei fidé dedisse, aut cum eā contraxisse: queritur, num sufficiat ad probationem, si mater Caia & alia mulier testes producantur. Respondit Alexander III. non esse admittendam matrem, si vir superior sit diuitiis, nobilitate, aut honore, cum enim mater filiæ incrementum, ac honorē desideret, testimonium eius suspectum est.

Alia questio proposita erat, vtrum mulier viro coniungenda sit, necnè quando sola mater consanguinitatem inter illos intercedere testatur, ad hoc respondet Papa, si matrimonium nondum contractum sit, non esse permittendū, vt contrahatur, cùm matris confessio seu testimonium non modicam consanguinitatis intercedentis presumptionem afferat, sin autem matrimonium contractum sit, non debet dissolui seu separatio fieri absque plurimum testium juramento, id est, duorum, nam pluralis numerus duobus contentus est, vti habetur in l. Vbi numerus. de testibus.

## S V M M A R I V M.

1. Proponitur questio, an, & quibus in causis parentes possint esse testes in causis filiorum, & vice versa.
2. Pater contra filium, & filius contra patrem, aliumque ascendentem ordinariè testari prohibetur.
3. Neque Pater pro filio, aut hic pro Patre testis admittitur.
4. Collaterales consanguinei non sunt cogendi ad testificandum contra coniuctos, in causa seu civili, seu criminali, volentes tamen admitti debent. Non tamen in causis criminalibus aut arduis.
5. Limitatur tradita Regula, quod Parens in causa filij, & vicissim testis esse nequeat.
6. Exacte discutitur, quomodo in causa Matrimoniali, parentum, fratribus, & cognatorum vtriusque sexus testimonia recipienda sint.

**Q**uestio hic tractari debet, an & quibus in causis parentes possint esse testes in causis filiorum & vice versa. r. & dico ordinariè contra filium parens, aut filius vel filia contra parentem aliumque ascendentem testis

m m z

testis

testis in judicio esse non potest, vt dixi in  
c. *Nuntius* 12. hoc est. idque propter reue-  
rentiam ac naturalem amorem & propen-  
sionem, quam inter se gerunt, & adeò id  
verum est, vt nec volentes admittantur. c.  
*Si testes. §. Parentes. causā 3. q. 4.*

**3** Sed neque pro filio parens aliūsue ascen-  
dantium, aut vice versa, filius pro parente  
admittitur testis ob eandem affectionis  
causam. *I. Testes 9. de testibus.* potest tamen  
aduersarius fauori suo renuntiare, & tales  
personas sponte admittere ad testificandum  
contra se, vt docet *Farinacius* q. 54.  
n. 189. eo tamen casu veritatem plenē di-  
cere debent pro & contra partē utramque.

De aliis porrò collateralibus consanguineis  
paulò alia ratio est; imprimis, licet co-  
gendi non sint ad testificandum contra  
conjugatos in causā seu ciuilī seu criminali.  
*I. Iulia. juncta gl. de testibus.* tamen volentes  
admitti debent, sicuti ex communi *Farinac.*  
*cit. q. 54. n. 16.* deinde si testes producantur  
pro conjugatis in causis criminalibus vel ar-  
duis, repellunt propter suspicionem af-  
fectionis, vt colligitur ex c. 1. *Similiter. causā*  
*3. q. 9. &c. Absens. 16. cādem causā q. 9. &*  
*cit. I. Legē Iulia. & docet Angelus in §. Pater.*  
*n. 4. institut. de testam. Speculator de testibus.*  
*§. 1. n. 14. gl. cit. c. 1.* nisi tam constantis vir-  
tutis appareat persona, vt nulla eius animo  
affectione dominari possit contra veritatem,  
sicuti limitat *Crottus p. 4. n. 119.* denique in  
causis ciuilibus non arduis consanguinei &  
affines admitti debent. teste *gl. in cit. c. 1.*  
*verb. Parentes.* ita tamen vt non sint testes  
integri & omni exceptione maiores, vt docet  
*Angelus l. c. Farinacius n. 80.* at verò pa-  
rentes in causā liberorū & viceversā etiam  
ordinariè in causis ciuilibus repellunt  
*juxta cit. I. Si testis.* vbi dicitur, testis idoneus  
pater filio, & filius patri non est.

**4** Sed neque in testamento patris, filius te-  
stis esse potest, nec pater in testamento filii.  
*I. Qui testamento 20. §. qua autem. ff. de te-*  
*stamentis. §. Pater institut. eodem. vbi id docet*  
*Angelus n. 2. Clarus. §. Testamentum q. 55.*  
vbi id ampliat, siue filius in potestate paren-  
tis sit, siue emancipatus, & rationem ad-

fert, quia pater & filius quasi eadem perso-  
na censentur. *I. cit. C. de impub.* & alijs sub-  
stitut.

Sed limita, quod si filius familias in expe-  
ditione, seu ante missione in peculio ca-  
strensi testamentum condat, pater testis esse  
possit, sicuti & frater, si autem post missio-  
nem, commune ius obseruare debet, id est; q;  
nec patrem nec fratrem filius familias vt te-  
stem adhibere potest cit. *I. Qui testamento.*  
& cit. *§. Pater*, reprobatum est enim te-  
stimoniū domesticum, id est, eorum, qui  
ex eādem domo seu familiā sunt, vt Myn-  
singerus ibi interpretatur.

Porrò supra tradita regula negativa, 5  
quod parens in causā filii, & filius in causā  
parentis testis esse non possit, limitari de-  
bet *I.* quod in contractibus seu instrumē-  
tarii testes esse possint, si pars vtraque con-  
trahentium consentiat, sicuti docet *Mascardus*  
*concl. 1118. Farinacius q. 54. n. 167.* dum-  
modo pars altera sciat esse filium vel patrem  
eius, quocum contrahit, nam qui ignorat,  
approbare, aut consentire non censetur. *I.*  
*Nec ignorans 10. C. de donat.* vbi dicitur,  
quod ignorans non consentit.

**2.** Quod pater possit esse testis in causā,  
quam filius procuratorio nomine agit, si  
ipsi patri aut filio directe nihil acquiratur,  
vt docet *Glossa. Angelus in cit. §. Pater. n. 2.*  
*Crottus n. 116.*

**3.** In criminibus exceptis, item in iis cri-  
minibus aut factis, quae difficilis probationis  
sunt, aut quorum cognitionem alii non ha-  
bent, pater ad testificandum contra filium  
aut filius contra patrem quandoq; à judice  
cogi potest, quā de re *Clarus §. fin. q. 24. n. 23.*  
*Farinac. n. 171. Mascard. concl. 1148. n. 28.*

**4.** In quæstione ætatis filiorum, testimo-  
nium parentum, in primis vero matris vale-  
re debet, teste *Bartolo in I. Parentes 6.* & ha-  
betur in *I. Etiam 16. de prob.* vbi tamen *gl.*  
monet confessionem matris vel patris de æ-  
tate præsumptionem aliquam adferre, licet  
non ita fides ei adhibetur, sicut alteri testi,  
si filio exinde commodum acquiratur cum  
alterius præjudicio, idque satis colligitur  
ex hoc ipso c.

**5. Si**

Licet.

## PARAPHRASIS.

Sicut Christianis concessum nō est, ita multo minus permittendum est iudicis, ut vi-nius legitimo produc-to testimonio, causa obtineatur. quamobrem mandat Papa, ut si iudicis controversia sit cum Chri-stiano, præsertim Clerico, non minus quam duorum vel trium virorum, qui probatæ viræ ac fidelis conuersationis sint, te-stimonia admittantur, quia licet quædā causa sint, quæ plures, quam duos exi-gant testes, nulla tamen est causa, quæ vnius, quamvis legitimo testimonio ter-minetur.

## SUMMARIUM.

1. Duo idonei testes ordinariè sufficiunt in causis tam criminalibus, quam ciuilibus.
2. Unus vel singularis testis in nulla judiciali controversia, que sit alicuius estimabili preiudicij, plenè probat.
3. Recensentur Casus certi, in quibus unus testis plenè probat.
4. Unus testis licet non sufficiat ad conuincendum, vel condemnandum, sufficit tamen ad inquirendum, citandum, & quædā ad torquendum Reum.
5. Attestatio unius juncta cum aliis indiciis vel presumptionibus, potest plenam fidem facere in ciuilibus causis, & in criminalibus occultis, qua sunt difficultis probationis.

**N**O T. I. Ordinariè ad probationem rei gestæ duo testes idonei sufficiunt tam in criminalibus, quam ciuilibus causis juxta cap. 17. Deutron. & Matth. 18. In ore duorum vel trium stat omne verbum, id est, omnē negotium ostendi ac confirmari posse.

Sunt tamen aliquæ cause, ut ultimæ voluntas & quædam species contractuum vel solutionum, ad quas plures testes solen-

m m 3 nitatis